



Wiindamaagewin awii Aanjiing – Gikendamowin gewe Awi-iwegaazijig

Gdo debendang wiigwaam gwiindamaag awii aanjiyin:

Gaawii dibaziiwin engindeg awi'iwegowin:

Gdo debendang wiigwaam gdaa wiindamaag awii zaagidodegiziiyin giishpin bwaa dibaman gdo awi'iwegowin engindeg. Giishpin bwaa dibaman gdo awi'iwegowin engindeg biinji niswi giizhigad shkwaa zhisemigag awii dibaman, gdo debendang wiigwaam gdaa miinig wiindamaagewin owi giizhkinigaadeg (owi wiindamaagewin awii zaagidodegiziiyin). Dibishko gonaa, giishpin awi'iwegowin engindeg zhisemigag Zaagibagaa-giizis 1 miinwaa gaawii dibaziiyin owi, apii Zaagibagaa-giizis 5 gdo debendang wiigwaam gdaa miinig wiindamaagewin awii zaagidodegiziiyin. Gdo debendang wiigwaam ada giizhendami minik apii eyaaman awii zaagidodegiziiyin.

Giishpin dibaman gdo awi'iwegowin engindeg shkwaa owa debendang wiigwaam miinig wiindamaagewin awii zaagidodegiziiyin, owa debendang wiigwaam gnimaa adaa daapinaan owi awi'iwegowin engindeg, dash wiigwa yaa-aabi gdaa wiindamaag awii zaagidodegiziiyin. Owa debendang wiigwaam aabdeg age wiindamaag owi zhibiiged.

Gaawii gdo naagidosiinan wiigwaaming naaknigewin maage gaawii gdo nakweshkiziinan enendaagoziiyin awii zhichigeyin:

Aabdeg gdo dowendaagwos nendowendaagwog awii zhichigewin zhiwe Owi Endaawin Awi'iwegaazijig Bake'nakii Gamig Inaaknigewin maage owi e'digosing owi gdo awi'iwegaaziiyin bezhigwendamowin (dibishko gonaa, gaawii wesiinig maamdaa awii yaawaad owi gaawii gwaya wesiinig awii yaawaad wiigwaam; naawitowin binaajichigewin agaa dodamaan). Gegaa gwa pane, debendamajig wiigwaam aabdeg gwii miinigwog wiindamaagewin maajiibiigan awii naawisidoowin enadiziiyin. Giishpin bwaa naawitowin owi maanaajidoodamowin, gdo debendang wiigwaam gdaa miinig wiindamaagewin awii zaagidodegiziiyin. Apendaagwog owi maanaajidoodamowin, miinwaa epiichi gikaadendaagwog endoodaman, gnimaa gdaa debinaan memaanji ajina naanon giizhigad awii zaagidodegiziiyin.

Gikinwaadendan: Giishpin gegwa yaawidwaa e'skoonwijig binoojiinig, debendamajig wiigwaam gdaa miinig wiindamaagewin awii zaagidodegiziiyin epiich temigag skoniwiwin owi bwaa dibaman gdo awi'iwegowin wiigwaam dibagewin miinwaa gaawii naagidosiwaan owi awi'iwegaaziiyin bezhigwendamowin.

Debendamajig wiigwaam age gdaa miinigwog wiindamaagewin awii zaagidodegiziiyin giishpin:

1. Dowendamowaad owi wiigwaam wiinwaa awii nikaaziwaad:

Debendamajig wiigwaam gdaa wiindamaagwog awii zaagidodegiziiyin giishpin wegwen gwa gwanda bemaadzijig biindigedodegiziiwaan zhiwe endaayin:

(ginowaabmdan aazho mazinigan)

- owa debendang
- owa debendang wiidigemaaganan (kweman/waadigenini, waaji yaawaad)
- owa debendang maage wiidigemaaganan ado nitaawigijig binoojiinig
- owa debendang gitiziiman maage wiidigemaaganan gitiziiman

Owi apii minik owi wiindamaagewin owa debandang wiigwaam aabdeg awaa miinig penimandaagwod owi bazhishigoong wiigwaaman enigokwog (minik e'diwisin endaawin etemigag awii awi'iweng) zhiwe endinakiyin. Owi digwaagig mazinigan owi Awi-iwewin Wiigwaaman Etemigag Wiindamaagewin – mezinaakozigaadeg owi Canada Mortgage and Housing Corporation ensa Binaakwe-giizis – waabmdowemigad minik e'bazhishigoong wiigwaaman. Owi memaanji oshki wiwaaman e-bazhishigoosing pane agwaakogaadenon zhiwe Endaawin Awi'iwegaazijig waasamo-asabi mazina-igan.

2. Dowendaan awii zhitood gichi niibna naawigewin zhiwe wiigwaaming:

Owa debendang wiigwaam gnimaa gdaa miinig wiindamaagewin awii zaagidodegiziiyin giishpin owa debendang wiigwaam awii:

- awii biigibidood (biigwaakinanong) owi wiigwaam biinji nigodwaas giizis owi wiindamaagewin awii zaagidodegiziiyin
- awii naawitoong (aanjitoong) owi wiigwaam maage maamiwising wiigwaaman miinwaa aabdeg gwii zaagidodegis owi onji awii zhichigeng nendowendaagwod nakiiwin (dibishko gonaa owi debendang wiigwaam awii aanjitood owi machisag, nibiish bimijiwong nikaaziwinan, taasiwinan, desaagin)
- awii aanjitwod owi awii nikaazang bkaan nikiiyaa (dibishko gonaa daawe gamig), biinji nigodwaaswi giizis owi wiindamaagowin awii zaagidodegiziiyin

Owi apii minik owi wiindamaagewin owa debandang wiigwaam aabdeg awaa miinig penimandaagwod owi bazhishigoong wiigwaaman enigokwog (minik e'diwisin endaawin etemigag awii awi'iweng) zhiwe endinakiyin.

3. Adaawed owi dibendaasowin:

Gdo debendang wiigwaam gdaa miinig wiindamaagewin giishpin daawewaad owi awi'iwewin wiigwaam miinwaa owa debendang dowendaan awii biindigedodegizid. Daawewin aabdeg ada giizhiitaamigag newen kina nendowendaagwod nakweshkigaadeg. Debendamajig wiigwaam gdaa wiindamaagwod awii zaagidodegiziiyin giishpin wegwen gwa gwanda bemaadizijig biindigedodegiziwaad zhiwe endaayin:

- owa gaashpinajiged
- owa wiidigemaaganan owa gaashpinajiged
- owa netaawigid binoojiinman owa gaashpinajiged
- gewe gitiziiman owa gaashpinajiged

Owa gaashpinajiged aabdeg ada gagwejjimaan owa debendang wiigwaam e'daawed owi dibendaasowin (zhibiigaadeg) awii miinig zhibiigaadeg wiindamaagewin awii ekwaasemigag owi awi'iwegowin bezhigwendamowin mazinigan.

Giishpin ayaayin owi ensa nigo-giizis apiinish nigo giizis minik awi'iwewin, owi minik wiindamaagewin penimandaagwod owi bazhishigoong wiigwaaman enigokwog (minik e'diwisin endaawin etemigag awii awi'iweng) zhiwe endinakiyin.

Giishpin ayaayin owi giizhising minik awi'iwewin (dibishko gonaa, nigo biboon awi-iwewin), gdo debendang wiigwaam aabdeg aga miinik nisiwi giizis wiindamaagewin jibwaa awi'iwegowin bezhigwendamowin mazinigan ekwaasemigag. Dibishko gonaa, giishpin owi awi'iwegaazad bezhigwendamowin mazinigan ekwaasemigag Waababagaa-giizis 30, aabdeg aga debinaan wiindamaagewin awii zaagidodegiziiyin apii Odemin-giizis 30.

Scoonwiwin epiitizijig binoojiinig:

Giishpin agii debinaman wiindamaagewin awii zaagidodegiziiyin wegwen gwa onji ninda ishpingim ezhi biigaadegin, miinwaa ayaawidwaa binoojiinig e'scoonwijig beshaa owi awi'awiwewin endaayin, gdaa ayaa zhiwe owi awi'iwegowin zhiwe owi wiigwaam apiinish skoonwiwin biboon shkwaasemigag (owi skoonwiwin biboon aawon Waababagaa-giizis 1 apiinish Odemin-giizis 30). Dibishko gonaa, giishpin owi awi'iwegaazad bezhigwendamowin mazinigan ekwaasemigag apii Zaagibagaa-giizis 30, owa debendang wiigwaam gdaa miinig owi wiindamaagewin awii ekwaasemigag owi iwi'iwewin jibwaa Manidoo-giizis 31. Gaawii memkaach gdaa zaagidodegizisii apii Odemin-giizis 30.

Giishpin debinaman wiindamaagewin awii zaagidodegiziiyin onji bkaan owi (onji damoomigad gaawii dibaziiyin awi'iwewin, binaajitowin endaayin, miinwaa bkaan aanin) gnimaa gdaa gashkitoon awii gagwedwewin aanjiing engindemigag apiinish \$500 owa debendang wiigwaam.

Gichi piitendaagwog: Kina Wiindamaagewin owi giizhkinigaadeg aabdek ada zhibiigaademigad, owi Endaawin Awi'iwegaazijig Bake'nakii Gamig moshkinebiiganan.

Giishpin aagonetaman owi wiindamaagewin agaa debinaman, ginoosh gdo debendang wiigwaam awii dazhindaman owi. Giishpin gashkitosing bezhigwendamowin owi enigokwaag wiindamaagewin ginoosh owi bake'nakii gamig awii naadmaagowin.

Woshme gego awii gikendaman:

Giishpin dowendaman gikendamowin owi epiich gnesh ayaawong owi wiindamaagewin owa debendang wiigwaam nendowendaagozid aii miinig, maage enigindeg awii aanjiing, azhaan odi ndo waasamo asabi mazina'igan odi www.manitoba.ca/rtb; maage giigidan odi owi bake'nakii gamig memaanji gesha etemigag agiin ayaawin.

Winnipeg Nakii Gamig
Endaawin Awi'iwegaazijig
Bake'nakii Gamig
1700 – 155 Carlton Street
Winnipeg, MB R3C 3Y4
Giigidowin: 204-945-2476
Giigidowin diba'igesiiing:
1-800-782-8403
Maagonan:
rtb@gov.mb.ca

Brandon Nakii Gamig
Endaawin Awi'iwegaazijig
Bake'nakii Gamig
143-340 9th Street
Brandon, MB R7A 6C2
Giigidowin: 204-726-6230
Giigidowin diba'igesiiing:
1-800-656-8481
Maagonan:
rtbbrandon@gov.mb.ca

Thompson Nakii Gamig
Endaawin Awi'iwegaazijig
Bake'nakii Gamig
113-59 Elizabeth Dr
Thompson, MB R8N 1X4
Giigidowin: 204-677-6496
Giigidowin diba'igesiiing:
1-800-229-0639
Maagonan:
rtbthompson@gov.mb.ca

Maanda gikendamowin temigad nowonj minik ezhising apii gagwedweng.